


Van Wyntjie en tryntjie


Book Cover:

ISBN:
978-1-4853-0086

Publisher:
Protea Boekhuis, Pretoria,
2014, R150*
* Book price at time of review

Review Title:
Van wyntjie en tryntjie

Author:
Linette van der Merwe

Affiliation:
¹Departement Afrikaans,
Universiteit of Pretoria,
South Africa

Corresponding author:
Linette van der Merwe,
linette.vandermerwe@
up.ac.za

How to cite this book review:
Van der Merwe, L., 2016,
'Van wyntjie en tryntjie',
Literator 37(1), a1202.
[http://dx.doi.org/10.4102/
lit.v37i1.1202](http://dx.doi.org/10.4102/lit.v37i1.1202)
Copyright:
© 2016. The Authors.
Licensee: AOSIS. This work
is licensed under the
Creative Commons
Attribution License.

Read online:

Scan this QR
code with your
smart phone or
mobile device
to read online.

Omar Khajjam se Persiese kواترینے, *Die roebaiyat*, word beskou as een van die bes verkooppe digbundels sedert die Engelse vertaling daarvan, deur Edward Fitzgerald (1809–1883), in 1859 verskyn het. Sedertdien het meer as 650 verskillende weergawes al die lig gesien en dien dit as inspirasie vir menige skrywer en komponis. Fitzgerald was 'n Engelse digter wat onder meer Persiese letterkunde aan Oxford bestudeer het. Vier uitgawes van sy Khajjam-vertaling het in sy leeftyd verskyn. Omar Khajjam was 'n Persiese sterrekundige, wiskundige, filosoof en digter. Hy is in 1048 in Naisjapoer, Noordoos-Iran gebore en in 1131 oorlede. Daar word beweer dat hy in sy lewe meer as 'n 1000 kواترینе of *roebaiyat* (die Persiese woord vir kواترین) geskryf het.

Benewens dié jongste vertaling van 50 van Khajjam se kواترینے in Afrikaans deur Daniel Hugo, wat hier ter sprake is, het daar al vyf Afrikaanse vertalings die lig gesien. *Die roebaiyat* deur C.J. Langenhoven, wat in 1923 verskyn het, was die eerste. Na die vertaling van Langenhoven verskyn 'n weergawe van Herman Charles Bosman wat naam- en datumloos deur Colin Reed-McDonald in Kaapstad uitgegee is. Daarna het 16 van die kواترینے vertaal deur C. Louis Leipoldt in sy postume bundel *Geseënde skaduwees* in 1949 verskyn. Abraham Jonker se weergawe, *Die onherwinbare hede*, het in 1950 verskyn en in 1997 verskyn *Rubáiyát van Omar Khayyám* – 'n vertaling deur Sebastian Basson.

Vir hierdie bundel van Khajjam se kواترینے het Daniel Hugo 50 van die kواترینے, wat deur Edward Fitzgerald vertaal is, uitgesoek op grond van hul vertaalbaarheid en trefkrag in Afrikaans (bl. 15). Hugo beklemtoon in die inleidende toelighting van die bundel (bl. 7) dat Fitzgerald se vertalings in 'n groot mate as herskrywings beskou moet word. Hy verklaar verder ook dat hy sover moontlik die Persiese kواترینے se *aaba*-rympatroon en die tienlettergrepige versreëllengte probeer handhaaf het (bl. 14–15).

Khajjam se hedonistiese lewensfilosofie word tematies, skertsend, bondig en beeldend in Persiese kواترینے verwoord. Die oordadige liefde vir eet, wyn, vroue en woeker met die liefde, want die môre sterf ons, word deur Hugo (bl. 11) soos volg vertaal:

*Here with a Loaf of Bread beneath the Bough,
A Flask of Wine, a Book of Verse – and Thou
Beside me singing in the Wilderness –
And Wilderness is Paradise enow.*

Met 'n verseboek in die skaduwee,
'n bottel wyn, 'n brood en jy daarmee
saam om vir my te sing in die woestyn –
en woestyn word 'n paradys vir twee.

Khajjam beklemtoon in die meerderheid van die verse dat die mens die lewe moet aangryp voordat dit te laat is, soos dit onder andere spreek uit Kwatrym 14, waar die allitererende s-klank ook die mens se verganklikheid beklemtoon:

*Ah, make the most of what we yet may spend,
Before we too into Dust descend;
Dust into Dust, and under Dust, to lie,
Sans Wine, sans Song, sans Singer and – sans End!*

Geniet die lewe sonder perk of paal,
Voordat jy asval in die stof afdaal.
Stof tot stof en onder stof sal jy lê,
sonder wyn en sonder sang – dis finaal!



Ook die mens se onvermoë om die lewe en die grootsheid van die Skepping te begryp kom as eksistensiële vrae aan die bod:

*Another said – 'Why, n'er a peevish Boy
Would break the Bowl from which he drank in Joy;
Shall He that made the Vessel in pure Love
And Fancy, in after Rage destroy!'*

Nog een sê: 'Selfs 'n prikkelbare kind troetel die beker waaruit hy graag drink. Sal hy dan wat hierdie pot met liefde geskep het, dit in 'n woedebui vermink?'

Uit die bostaande, aangehaalde, vertaalde verse blyk veral dat dit van uiterste belang is dat lesers van hierdie bundel deurlopend in gedagte hou dat die vertaling van poësie 'n uiters komplekse saak is. Die vertaler van gedigte moet deurentyd rekening hou met tegniese aspekte soos versbou, beeldspraak, klankwaardes, rym, halfrym en ritme, en in die geval van die *Roebaijat*, ook met die vereiste eindrym in die eerste, tweede en vierde versreël van elke kvatrym. Hugo bly

getrou aan die teksinhoud en al is daar soms ritmiese steurings, bied die speelsheid van, en die wyshede in die verse heelwat stof tot nadenke.

Daniel Hugo word nie sonder rede as digter-vertaler beskou nie. In 2014 ontvang hy die Suid-Afrikaanse Akademieprys vir sy vertaling van die Vlaming Tom Lanoye se roman *Sprakeloos*. Die vertaling van die *Roebaijat* bevestig sy vernuf as vertaler en ook as digter wat kreatief met die teks kan omgaan en al die skakerings en verhulde betekenisse van die Fitzgerald-vertaling suksesvol in Afrikaans kan transponeer.

Die roebaijat van Omar Khajjam (2014) behoort 'n ereplek op alle lesers van Afrikaanse poësie se boekrakke te kry. Nie net is dit is beknopte bundel vol lewenswyshede nie, maar 'n uitstalvenster vir vernuftige vierreëlige verskuns:

Toekonk was, het ek graag gaan luister
hoe dokter en dominee oor duister
dinge redeneer. Nou is ek grys
en die ware weg altyd byster.